



GŪKENGA TA ŨTHERI

ŨTUKŨ



“Īkagai maũndũ mothe
mũtekũnuguna na
mũtegũkararania, nĩgeetha
mwage ũcuuke na mũtuĩke
atheru, mũtuĩke ciana cia
Ngai itarĩ na kaũũgũ mũrĩ
thĩinĩ wa rũciaro rũrũ
ruogomu na rwaganu, na rĩrĩa
mũrĩ hamwe nao inyuĩ
mũkengage ta njata thĩ
yothē”

Afilipi 2:14, 15

“O ũguo nague, na inyuĩ rekei ũtheri wanyu ũmũrĩkagĩre andũ, nĩguo mone cĩko cianyu njega, nao magoocage lthe wanyu ũrĩa ũrĩ igũrũ” (Mt. 5:16).

Thĩiniĩ wa Afilipi 2:12-18 no tũthome mĩhari yandĩkĩtwo nĩ Paũlũ ĩkonainie na wa ũyũ wa Jĩsũ.

Gũikara thĩiniĩ wa thĩ kũrĩa watho wa Ngai ũrangagĩrĩrio thĩ kaingĩ, ithuĩ ta Akristũ, ithuĩ arĩa twĩriragĩria gũtungata Ngai na gũikara kũringana na ũguo, tũrĩ ũtheri ũkengaga nduma-inĩ.



Moootheri thĩiniĩ wa thĩ:

- ★ Mũhiananio wa Ngai (Afilipi 2:12-13)
- ★ Ŭkengu thĩiniĩ wa thĩ (Afilipi 2:14-16)
- ★ Igongona rĩ muoyo (Afilipi 2:17-18)



Mĩhiano ya ũtheeri:

- ★ Timotheo (Afilipi 2:19-24)
- ★ Epafarodito (Afilipi 2:25-30)



MOOTHERI

THĪNĪ

WA THĪ



MŪHANANIO WA NGAI

“nīgũkorwo nĩ Ngai ũrutaga wĩra thĩinĩ wanyu agatũma mwende gwĩkaga maũndũ make kũringana na wendi wake mwega” (Afilipi 2:13)

Thutha wa ũtarĩrĩria mũtabarĩre weega igũrũ rĩa wĩnyihia na gũtũgĩrio kwa Jĩsũ, Paũlũ ongagĩrĩra uuge wa “nĩũndũ ũcio.” Ta kuuga, tondũ Jĩsũ nĩ enyihirie na akĩambarario nĩguo atĩ “na ningĩ atĩ nĩmĩ ciothe ciumbũrage atĩ Jesũ Kristũ nĩ Mwathani, nĩguo Ngai lthe witũ agoocagwo.” (Afil. 2:11), etĩkia a Filipi (na, kuongerera ithuĩ othe) no mũhaka twĩke ũndũ igũrũ rĩa ũguo.

Wĩra witũ wa mbere nĩ ũhonokio-inĩ witũ “mũgĩitigagĩra na mũkĩinainaga” (Afil. 2:12). Angĩkorwo Ngai nĩwe ũtũhonokagia-rĩ (Tito 2:11), nĩkĩĩ gĩtũmi gĩa kwĩingĩrĩria igũrũ rĩa guo?

Gwĩtigĩra na kũinaina nĩ mĩkĩre ĩhũthĩrĩtwo ta ũtarĩria wa gũtungatĩra Ngai. (Thaburi 2:11). ũguo, Paũlũ agakinyĩrĩria atĩ nĩ Ngai ũrutaga thĩiniĩ witũ wendi wa gwĩka wega, na agatũhe hinya wa kũũtua ũndũ ũrekĩka. (Afilipi 2:13).



ŪTHERI THĨINIĨ WA THĨ

“nĩgeetha mwage ũcuuke na mũtuĩke atheru, mũtuĩke ciana cia Ngai itarĩ na kaũũgũ mũrĩ thĩinĩ wa rũciaro rũrũ ruogomu na rwaganu, na rĩrĩa mũrĩ hamwe nao inyuĩ mũkengage ta njata thĩ yothe,.” (Afilipi 2:15)

Paŭlũ arendithĩrĩcria maũndũ matatũ ma bata marĩa mangĩtũma etĩkia maare thĩiniĩ wa thĩ:

Gũtũria ũiguano (Afil. 2:14)



**Rĩrĩa tũraruta wĩra
hamwe,
gũtingĩkorwo na
njuukũ, kuonerwo
mahĩtia, ũũthũ, kana
ngarari gatagatĩ-inĩ
gaitũ.**

**Kwĩiga na utarĩ ũcuuke
(Afil. 2:15)**



**Gũtĩya lthe witũ na
wĩnyihia ũrũgamanĩtio
mũgarũ mũnene na
waganu na ngayũkano iria
ikoragwo itũthiorũrũkĩrie.**

**Kwĩhokeka kũrĩ Kiugo Ngai
(Afil. 2:16)**



**Cĩiko ciitũ na
meciria no mũhaka
matwarane na ũrĩa
Bibilia ĩrutanaga**



Harĩa nduma yaingĩha makĩria, ũtheri nĩ ũkengaga makĩria. Thĩ-inĩ ĩno Ngai aregagwo kĩmĩbangĩrĩro, ithuuĩ ta Akristũ twagĩrĩrwo tũhenie na ũtheri wa Kristũ.

IGONGONA RĨ MUOYO

“No rĩrĩ, o na ingĩtuĩka ndĩraitwo thakame igũrũ rĩa igongona ta ndĩ iruta rĩa kũnyuuo, nĩ ũndũ wa ũtungata ũrĩa mĩtungatagĩra Ngai uumanĩte na wĩtĩkio wanyu-rĩ, nĩ ngenaga na ngacanjamũka hamwe na inyuĩ inyuothe.” (Afilipi 2:17)

Onagũtuĩta Paũlũ ehokaga atĩ nĩekuohorwo, nĩ harĩ na ũhoteteku atĩ nĩ egũtuĩrwo. Onanagia ũhoteteku ũyũ ta ũrĩ “ta ndĩ iruta rĩa kũnyuuo” (Afil. 2:17).

Igongona rĩu [iruta rĩa kũnyuuo] rĩarĩ gũitĩrĩa igũrũ iruuta rĩrĩa rĩheanĩtwo (Tham. 29:39-40). ũndũ-inĩ ũyũ, igongona rĩrĩa rĩarĩ na kĩũria rĩarĩ Afilipi.

Kaĩ Afilipi marĩ makuue? Aca matiarĩ makue ona hanini. Igongona rĩao rĩatũkanaga na “ũtungata wa wĩtĩkio wanyu.” rĩarĩ igongona rĩtũũraga, igongona rĩrĩa ithuothe twagĩrĩrwo kũrutĩra kũrĩ Ngai (Arom. 12:1).



Paũlũ ndetigagĩra gũkua tondũ ũira wake nĩ ũngĩaheanĩre ũmĩzrĩru makĩria kũrĩ etĩkia arĩa makoretwo marĩ aira ehokeku a ũhoru ũrĩa Mwega, makĩaria ũhoru ũcio na ũrũme, na makagĩa na mĩtugo ĩra yagananĩrĩre na ya ciana cia Ngai



MĪTHEMBA

YA

ŪTHERI

TIMOTHEO


“No inyũĩ nĩmũũĩ atĩ Timotheo nĩeyonanĩtie atĩ nĩ mũndũ mwega, tondũ o ta ũrĩa mwana atungataga hamwe na ithe-rĩ, noguo akoretwo agĩtungata hamwe na nĩĩ wĩra-inĩ wa kũhunja Ũhoro-ũrĩa-Mwega” (Afilipi 2:22)



Timotheo arĩ mũnyitanĩri wĩra-inĩ wa Paũlũ na ona mwandĩki hamwe nake marũwa-inĩ matandatũ (2 Akorinitho, Afilipi , Akolosai, 1 Athesalonike, 2 Athesalonike, Filemona). Nĩ Paũlũ we mwene wamũthurire atuĩke ta mũijilisti (Atũ 16:1-3). Nĩkĩ Paũlũ onire kĩarĩ kĩa mwanya harĩ mwanake ũyũ warĩ mwĩthĩ?

Mbere, andũ othe “maragia o ũhoro wa wega wake.” kwagĩrĩra gwake kwa ũtungata gwekĩrirwo hinya nĩ ciugo cia ũrathi (1 Tim. 1:18). Ta mũndũ mũnyinyi, Paũlũ amũtuaga ta mũrũwe, (1 Tim. 1:2; 4:12). Mwena-inĩ wake Timotheo atĩaga na akenda Paũlũ ta ũrĩa mũriũ angĩenda ithe. (Afil. 2:22).

Paũlũ amutuaga ta mũruti wĩra mũhinyu otake mwene (1 Akor. 6:10). Amwĩhokeire gũtungata makanitha maigana ũna, ta Korinitho (1 Akor. 4:17); Filipi (Afil. 2:19); na Thesalonike (1 Athe. 3:2). Nĩngĩ agĩcoka kũgũa ũgwati-inĩ wa kĩoho o ta Paũlũ. (Ahib. 13:23).



“No rĩrĩ, nĩnguona kwagĩrĩire ndĩmũtũmĩre mũrũ wa Ithe witũ Epafarodito, ũrĩa tũrutaga wĩra na tũkarũĩrĩra ũhoru wa Ngai nake, na nĩwe mũtũmwo wanyu ũrĩa mwandũmĩire nĩguo arũmbũyagie mabata makwa” (Afilipi 2:25)

Rĩrĩa Afilipi mamenyire atĩ Paũlũ arĩ mwohe kũu Roma, magĩtua mamũtũmĩre ũteithio ũrĩa ũngĩarũgamĩrĩire mabataro make (kũrĩha nyũmba, irio, nguo, oũguo guo.) Epafarodito nĩwe watongoretie kũrehe ũteithio kũrĩ mũtũmwo (Afil. 4:18; 2:25).


Epafarodito to gũkinyia akinyirie ũteithio, no atwaranire na Paũlũ, akĩmũteithia mabataro-inĩ make, na kũnyitanĩra nake gũtheremia injili.



Wĩrutĩri-inĩ wake wa ũhunja wa injili, nĩ aikagia ũtũũro wake ũgwati-inĩ na akĩrwara mũno (Afil. 2:27, 30). Rĩrĩa Afilipi maiguire ũguo, makĩigua kĩa nĩũndũ wake. Gĩkĩ nĩkĩo gĩtũmi kĩa Paũlũ agĩtua amũtũme na marũwa amatwarĩre (Afil . 2:26, 28).

Paũlũ oririe atĩ “na mũtĩĩage andũ arĩa mahaana take” (Afil. 2:29 NIV). Epafarodito hatarĩ nganja arĩ Mũkristũ mwĩhokeku.

EPAFARODITO



“Rĩrĩa Jĩsũ, Mũtũthaithanĩri, atũthaithanagĩra igũrũ, Roho Mũtheru arutaga wĩra thĩiniĩ witũ, twende na twĩke wendi Wake mwega. Igũrũ rĩothe nĩ rĩkenagĩra na wendo mũingĩ gũkũrwo kwa muoyo. Nĩ gĩtũmi kĩrĩkũ tũngĩkorwo nakĩo kĩagũtũĩkĩra nganja atĩ Mwathani nĩendete na nĩ atũteithagia ithuuĩ? Ithuuĩ arĩa tũrutaga andũno mũhaka ithuuĩ ene tũkorwo na ũnyitanĩri wa ũtũũro wothe na Ngai. Thĩiniĩ wa Roho na Kiugo twagĩrĩrwo gũkorwo kũrĩ andũ ta gĩthima kĩa maaĩ mega, nĩ tondũ Kristũ e thĩiniĩ witũ ta gĩthima gĩratherũka maaĩ me muoyo magũtũũra tene na tene. Kĩeha na ruuo no igerie ũkirĩrĩria na wĩtĩkio witũ; no ũkengu wa gũkorwo kwa ũtonekaga e na ithuuĩ, na no mũhaka tũhithe wĩyendi thutha wa Jĩsũ.”

EGW (You Shall Receive Power, December 8)